



**Selasa, 25 Mei 2021**

*Ogen: Kejadin 42:18-24*



Mbiar Man Dibata



**C**rang yang kuat dan sabar adalah yang bisa menyembunyikan perasaan sedihnya di hadapan orang lain serta senantiasa mengikuti senyuman secara ikhlas

Adi siperdiateken kalimat e, banci mis si inget kisah Jusuf tupung ia jadi wakil raja i Mesir. Tupung jadi kelihen si mesangat i Mesir bagepe i Kanaan kuta kemulihen Jusuf. Kenca dua tahun mentasi masa paceklik, enggo keru persediaan pangan i rumah Jakub ras anak-anakna. Emaka isuruh Jakub 10 kalak anakna ku Mesir, la ikut Benyamin nukur gandum sebab ibegina maka i Mesir melala gandum si man tukuren. La ietehna maka anakna Jusuf me si ngaturken gandum i je. Kenca seh i Mesir, jumpa me Jusuf ras senina-seninana, tangkas tandai Jusuf kerina senina-seninana e tapi seninana lanai itandaina Jusuf. Perjumpan e ningetken Jusuf kerna perbahanen senina-seninana man bana si jadi dalanna ia seh ku Mesir. Aru kal ate Jusuf natap seninana e, sedih ia ras tangis pe atena. Apaika tupung ibegina cakap-cakap seninana e, si nuriken erkadiola nandangi perbahanenna mbarenda man Jusuf, si namakensa ia ku sumur, bagepe ndayakensa ku perbinaga Mesir. Pengakap seninana e, perbahanenna ndube me si erbahansa gundari ia ngenanami kiniseran. La ietehna maka iangka Jusuf kerina kai si ikatakenna. Sabar kal Jusuf ngalaken senina-seninana e, la ia erbalas aminna mesui ndube atena ulih perbahanen seninana. Erbage perasan si turah i bas Jusuf, enggo singgur kerina tedeh ate, mekuah ate, ras sedih. Tapiibunikenna perasanna e, perbahan la tertahansa lawes ia nadingken kalak e, kenca bage tangis ia. Kenca enggo ka ia ngasup ngerana, mulihken ia ndahi senina-seninana. Teridah kesabaren Jusuf i bas ngalaken seninana. Kesabaren Jusuf e mbelin kal erkiteken ia malang man Tuhan. Bagi pengakunna man seninana, "aku kalak si mbiar man Dibata."